

Abendualdiko 2. Igandea (B)

LEHENENGO IRAKURGAIA

Prestatu bidea Jaunari.

Isaías liburutik 40,1-5. 9-11

Hau dio zuen Jainkoak:

«Kontsola ezazue,
kontsolatu nire herria!

Mintza bihotzera Jerusalemi;
hots egiozue
burutu duela bere morrontza,
ordaindu bere erruen zorra,
gogor ordainarazi baitizkio Jaunak
bere bekatuak».

Ahots bat oihuka:

«Prestatu basamortuan
bidea Jaunari,
berdindu eremuan galtzada
gure Jainkoari.

Bete daitezela sakanak,
beheratu mendi-muinoak;
bihur bitez zelai eta lautada
paraje latz eta malkarrak.

Orduan, Jaunak
bere ospea agertuko du
eta gizaki guztiek batera
ikusiko dute.

Jaunak berak esan du».

Igo mendi garai batera, Sion,
albiste pozgarria hots egitera;
goratu indarrez ahotsa, Jerusalem,
goratu beldurgabe ahotsa,

esan Judako hiriei:

«Hemen da zuen Jainkoa!

Hara, ahalmen osoz dator
Jainko Jauna,
bere nagusigoa indartsu ezarriz.

Hara, berekin dakar garaipen-agiria,
berak askaturiko herria.

Artzainak bezala
zaintzen du artaldea:
arkumea besoan hartu
eta altzoan eramaten du,
ama berria arduraz gidatzen».

Jaunak esana.

SALMOA

Salmoa 84, 9ab-10. 11-12. 13-14 (8)

R.

*Erakutsi guri, Jauna, zeure maitasuna,
eman zeure salbamena!*

Jainko Jaunak dioena iragarriko dut:
bakea agintzen die bere herri eta fededunei.

Gertu dago, begirune diotenak salbatzeko;
bai, haren ospea gure lurraldean kokatuko da. **R.**

Maitasunak eta leialtasunak topo egiten dute,
justiziak eta bakeak elkar besarkatzen;
leialtasuna lurretik ernetzen da,
justizia zerutik jaisten. **R.**

giaz, Jaunak euria emango du,
eta gure lurak uzta ekarriko.
aunaren aurretik joango da justizia,
haren urratsei jarraituko ongizateak. **R.**

BIGARREN IRAKURGAIA

Zeru-lur berrien zain gaude.

San Pedro profetak egindako bigarren liburutik 3,8-14

Ene maiteok, ez ahaztu Jaunarentzat egun bat mila urte bezala dela eta mila urte egun bat bezala.

Jauna ez da bere agintzaria betetzeko luzamendutan ari, batzuek hala uste arren; gertatzen dena da pazientzia duela zuekin, ez baitu inor galtzerik nahi, denok bihozberritzea baizik.

Baina Jaunaren eguna lapurra bezala ustekabeen etorriko da. Orduan, burrunba handiz desagertuko dira zeruak, munduaren osagaiak suak kiskalita desegingo eta lurra bere egintza guztiekin agerian geldituko da Jainkoaren epairako.

Dena honela desegitekoa baldin bada, pentsa ezazue zein santu eta jainkozale izan behar duen zuen bizitzak. Bizi, bada, Jainkoa etorriko den egunaren zain eta lan egin lehenbailehen irits dadin. Egun hartan, sutan desegingo dira zeruak, eta munduaren osagaiak kiskalita ezereztuko dira. Gu, ordea, agindutako zeru-lur berrien zain gaude; han dena Jainkoaren nahiaren arabera izango da.

Beraz, ene maiteok, gauza hauen zain zaudeten bitartean, saia zaitetze Jainkoarekin bakean bizitzen, garbi eta errugabe haren aurrean.

Jaunak esana.

Aleluia Lk 3,4.6

Aleluia, aleluia.

Prestatu bidea Jaunari
beheratu mendi-muinoak.

Gizaki guztiek ikusiko dute
Jainkoak ematen duen salbamena. Aleluia.

EBANJELIOA

Prestatu bidea Jaunari.

+ Jesu Kristoren Ebanjelioa San Markosen liburutik 1,1-8

Hona hemen nola hasi zen Mesias eta Jainkoaren Seme den Jesusen berri ona.

Isaias profetak idatzia zuen:

*Begira, neure mezularia
bidaltzen dut zure aurretik
zuri bidea moldatzera.*

*Ahots bat oihuka
ari da basamortuan:*

*Prestatu bidea Jaunari,
zuzendu bidexkak hari.*

Honela, bada, agertu zen Joan Bataiatzailea basamortuan. Bihozberritzeko eta bataiatzeko hots egiten zuen, bekaturen barkamenerako.

Judea herrialde osoa eta jerusalemdar guztiak harengana zihoazen eta, beren bekatuak aitortzen zituztela, Joaneke bataiatu egiten zituen Jordan ibaian.

Joaneke gamelu-ilezko jantzia zuen soineko eta larruzko uhala gerriko; matxinsaltoak eta basaeztia jaten zituen.

Honela hots egiten zuen: «Nire ondoren dator ni baino ahaltsuago dena, eta ni ez naiz inor makurtu eta haren oinetakoen lokarriak askatzeko ere.

Nik urez bataiatu zaituztet; hark, ordea, Espiritu Santuaz bataiatuko zaituzte».

Jaunak esana.

Blog: <http://sopelakoeliza.blogspot.com>
<http://iglesiadesopelana.blogspot.com>